



UNDANG-UNDANG MALAYSIA

Akta A694

AKTA PERSATUAN NELAYAN (PINDAAN) 1988

Tarikh Persetujuan Diraja 6hb Februari 1988

Tarikh diterbitkan dalam

Warta 18hb Februari 1988

UNDANG-UNDANG MALAYSIA

Akta A694

AKTA PERSATUAN NELAYAN (PINDAAN) 1988

Suatu Akta untuk meminda Akta Persatuan Nelayan 1971.

[1 hb Julai 1988] RU(B)321/88

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Persatuan Nelayan (Pindaan) 1988 dan hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta*.

Tajuk
ringkas dan
mula ber-
kuatkuasa.

2. Seksyen 2 Akta Persatuan Nelayan 1971, yang disebut "Akta ibu" dalam Akta ini, adalah dipinda—

Pindaan
seksyen 2.
Akta 44.

(a) dengan memasukkan tafsiran yang berikut selepas tafsiran "Pendaftar":

“Persatuan Nelayan” ertinya Persatuan Nelayan Kawasan, Persatuan Nelayan Negeri atau Persatuan Nelayan Kebangsaan;”

(b) dalam tafsiran “Persatuan Nelayan Kawasan”, dengan memotong perkataan-perkataan “dengan tujuan atau tujuan² hendak

memajukan kepentingan ekonomi dan masyarakat atau kesentosaan orang² itu atau golongan orang itu dengan jalan mereka mengambil bahagian sa-chara langsung”;

- (c) dalam proviso kepada tafsiran “syarikat kerjasama nelayan”, dengan menggantikan perkataan-perkataan “Lembaga Kemajuan Ikan Malaysia” dengan perkataan “Pendaftar”.

Pindaan
seksyen 5.

3. Seksyen 5 Akta ibu adalah dipinda—

- (a) dengan menomborkannya semula sebagai subseksyen (1) seksyen 5 dan—

(i) dengan menggantikan perkataan-perkataan “Persatuan Nelayan Kawasan” dengan perkataan-perkataan “Persatuan Nelayan”;

(ii) dengan menggantikan perkataan-perkataan “kepentingan ekonomi dan masyarakat atau kesentosaan ahli² dengan jalan mereka mengambil bahagian sa-chara langsung dan hendaklah mempunyai kuasa untuk melakukan segala perkara yang perlu untuk menchapai tujuan² itu dan khusus-nya, tetapi tanpa menyentuh keluasan makna yang tersebut di-atas” dengan perkataan-perkataan “kepentingan-kepentingan ekonomi dan sosial ahli-ahlinya atau kesentosaan ahli-ahlinya dan hendaklah mempunyai kuasa untuk melakukan segala perkara yang perlu untuk mencapai tujuan-tujuan itu dan khususnya, tetapi tanpa menyentuh keluasan makna yang tersebut di atas, ia hendaklah mempunyai kuasa”;

PERSATUAN NELAYAN (PINDAAN)

5

(iii) dalam perenggan (d), dengan menggantikan koma bertitik yang terdapat selepas perkataan “memproses” dengan koma;

(iv) dalam perenggan (h), dengan memotong perkataan “dan” di akhir perenggan itu;

(v) dengan menggantikan perenggan (i) dengan perenggan yang berikut:

“(i) mengatur penyertaan ahli-ahli dalam apa-apa rancangan bagi pemuliharaan sumber-sumber perikanan;”;

(vi) dengan memasukkan perenggan-perenggan yang berikut selepas perenggan (i):

“(j) mengendalikan dan mengadakan kemudahan-kemudahan pengangkutan bagi mempergiat usaha-usaha pemasaran ikan dan usaha-usaha yang berkaitan;

(k) mengadakan kemudahan pemasaran, penyimpanan, pengeringan, penggudangan dan kemudahan-kemudahan lain; dan

(l) membolehkan pembentukan modal dan pelaburan melalui penubuhan syarikat atau penyertaan ekuiti dalam usaha-usaha perdagangan dan perniagaan.”;

(vii) dengan memotong perkataan “Kawasan” dalam nota birai;

(b) dengan memasukkan subseksyen-subseksyen yang berikut selepas subseksyen (1):

“(2) Walau apa pun kuasa yang diberikan oleh seksyen-kecil (1), sesuatu Persatuan Nelayan tidak boleh menubuhkan apa-apa syarikat atau menyertai ekuiti mana-mana usaha perdagangan atau perniagaan tanpa terlebih dahulu mendapat kelulusan bertulis daripada Pendaftar, dan Pendaftar boleh, pada memberikan kelulusan sedemikian, mengenakan apa-apa syarat yang difikirkannya patut.

(3) Tanpa menjejaskan kuasa-kuasa yang diberikan kepada Pendaftar dalam seksyen-kecil (2), Pendaftar boleh, melalui perintah secara bertulis, menghadkan, mengenakan syarat-syarat ke atas atau mengawalselia kuasa-kuasa sesuatu Persatuan Nelayan untuk memastikan kecekapan dan untuk mengelakkan penduaan fungsi-fungsi Persatuan Nelayan itu.

(4) Mana-mana orang yang tidak puas hati dengan apa-apa perintah Pendaftar di bawah seksyen-kecil (2) atau (3) boleh merayu kepada Menteri dalam masa tiga puluh hari dari tarikh perintah itu dibuat dan Menteri boleh mengesahkan, mengubah atau membatalkan perintah itu; dan keputusan Menteri adalah muktamad dan tidak boleh dipersoalkan dalam mana-mana Mahkamah.”.

Pindaan
seksyen 6.

4. Seksyen 6 Akta ibu adalah dipinda—

(a) dalam subseksyen (1), dengan menggantikan perkataan-perkataan “Pendaftar bagi Persatuan² Nelayan” dengan perkataan-perkataan “Pendaftar Persatuan Nelayan”;

- (b) dalam subseksyen (3), dengan menggantikan perkataan-perkataan “Timbalan Pengerusi” dengan perkataan-perkataan “Ketua Pengarah”.

5. Seksyen 10 Akta ibu adalah dipinda—

Pindaan
seksyen 10.

- (a) dalam subseksyen (1), dengan menggantikan perkataan-perkataan “Berkenaan dengan Negeri di-mana ia di-lantek Pegawai Penyelia Persatuan Nelayan hendak-lah” dengan perkataan-perkataan “Seseorang Penyelia Persatuan Nelayan yang dilantik bagi sesuatu Negeri hendaklah”;

- (b) dalam subseksyen (2)—

- (i) dengan menggantikan perkataan-perkataan “Berkenaan dengan Wilayah di-mana ia di-lantek Pegawai Penyelia Persatuan Nelayan” dengan perkataan-perkataan “Seseorang Pegawai Penyelia Persatuan Nelayan yang dilantik bagi sesuatu Wilayah”;

- (ii) dengan memasukkan perkataan-perkataan “dalam Wilayah itu” selepas perkataan “Negeri”.

6. Seksyen 11 Akta ibu adalah dipinda—

Pindaan
seksyen 11.

- (a) dalam subseksyen (1)—

- (i) dalam perenggan (a), dengan menggantikan perkataan-perkataan “sembilan puluh” dengan perkataan-perkataan “seratus dua puluh”;

- (ii) dalam perenggan (b) teks bahasa kebangsaan, dengan memotong perkataan “sa-bagai”;

(iii) dalam perenggan (c), dengan menggantikan perkataan-perkataan “dari bekerja dalam perusahaan menangkap ikan” dengan perkataan-perkataan “daripada perusahaan perikanan”;

(b) dengan memasukkan subseksyen yang berikut selepas subseksyen (6):

“(7) Walau apa pun seksyen 2, dalam seksyen ini “Persatuan Nelayan Kawasan” tidak termasuk syarikat kerjasama nelayan.”.

Seksyen
baru 11A.

7. Bahagian V Akta ibu adalah dipinda dengan memasukkan seksyen yang berikut selepas seksyen 11:

“Daftar
hendaklah
menjadi
keterangan
prima facie.

11A. Apa-apa daftar atau senarai ahli yang disimpan oleh sesuatu Persatuan Nelayan Kawasan hendaklah menjadi keterangan *prima facie* mengenai nama, alamat, nombor kad pengenalan, nombor keahlian, dan pekerjaan seseorang ahli dan mengenai tarikh-tarikh ia mula dan berhenti menjadi ahli.”.

Pindaan
seksyen 12.

8. Seksyen 12 Akta ibu adalah dipinda—

(a) dalam subseksyen (1), dengan memotong perkataan-perkataan “Kawasan, Negeri dan Kebangsaan”;

(b) dalam subseksyen (4), dengan menggantikan perkataan “bersara” dengan perkataan-perkataan “boleh meletakkan jawatan”;

(c) dalam perenggan (c) subseksyen (5), dengan memasukkan perkataan “Pengarah” selepas perkataan “Lembaga”.

Pindaan
seksyen 13.

9. Seksyen 13 Akta ibu adalah dipinda dengan memotong perkataan-perkataan “Kawasan, Negeri dan Kebangsaan”.

10. Akta ibu adalah dipinda dengan memasukkan seksyen-seksyen yang berikut selepas seksyen 13:

Seksyen
baru 13A dan
13B.

"Kuasa
meminjam
wang, dll.

13A. (1) Bagi maksud melaksanakan tujuan-tujuannya di bawah seksyen 5, sesuatu Persatuan Nelayan boleh meminjam wang atau menanggung perlibatan-perlibatan atau tanggungan-tanggungan kewangan lain dengan kebenaran bertulis daripada Pendaftar.

(2) Pada setiap mesyuarat agung tahunannya, tiap-tiap Persatuan Nelayan hendaklah menentukan had maksimum keterhutangan yang boleh ditanggung olehnya, tertakluk kepada kebenaran Pendaftar menurut seksyen-kecil (1), pada bila-bila masa dalam tahun kewangannya yang akan datang.

Pelaburan
wang.

13B. Tertakluk kepada seksyen 5, sesuatu Persatuan Nelayan boleh melaburkan atau mendepositkan wangnya—

(a) dalam mana-mana bank yang diluluskan oleh Pendaftar dari semasa ke semasa;

(b) dalam apa-apa sekuriti Kerajaan Persekutuan atau Kerajaan mana-mana Negeri;

(c) dalam sekuriti-sekuriti yang dikeluarkan di dalam Persekutuan dengan kelulusan Perbendaharaan oleh mana-mana pihak berkuasa awam yang ditubuhkan di bawah undang-undang Persekutuan atau Negeri;

(d) dengan kelulusan Pendaftar, dalam modal syer atau sekuriti mana-mana badan atau syarikat berdaftar;

(e) dengan kelulusan Pendaftar, dalam pembelian tanah atau bangunan atau dalam pembinaan bangunan; atau

(f) dengan apa-apa cara lain yang diluluskan oleh Pendaftar.”.

Pindaan
seksyen 14.

11. Seksyen 14 Akta ibu adalah dipinda dengan memotong perkataan-perkataan “Kawasan, Negeri dan Kebangsaan”.

Pindaan
seksyen 18.

12. Seksyen 18 Akta ibu adalah dipinda dengan memotong perkataan-perkataan “Kawasan, Negeri atau Kebangsaan”.

Pindaan
seksyen 19.

13. Seksyen 19 Akta ibu adalah dipinda—

(a) dengan menggantikan perkataan-perkataan “dengan bertulis bagi maksud itu, ada-lah” dengan perkataan-perkataan “olehnya dengan bertulis bagi maksud itu,”;

(b) dalam perenggan (a), dengan memotong perkataan-perkataan “Kawasan, Negeri atau Kebangsaan”.

Pindaan
seksyen 24.

14. Seksyen 24 Akta ibu adalah dipinda dengan memotong perkataan-perkataan “Kawasan, Negeri atau Kebangsaan”.

Pindaan
seksyen 25.

15. Seksyen 25 Akta ibu adalah dipinda dengan memotong perkataan-perkataan “Kawasan, Negeri dan Kebangsaan”.

Seksyen
baru 25A.

16. Akta ibu adalah dipinda dengan memasukkan seksyen yang berikut selepas seksyen 25:

“Hak akses kepada rekod perakaunan dan rekod-rekod lain. 25A. (1) Pendaftar atau mana-mana orang yang diberikuasa olehnya secara bertulis berhak mendapat akses pada setiap masa kepada rekod-rekod perakaunan dan apa-apa rekod lain, termasuk daftar-daftar, tiap-tiap Persatuan Nelayan dan hendaklah mempunyai kuasa—

(a) memanggil mana-mana pegawai atau bekas pegawai atau ejen atau pengkhidmat atau ahli Persatuan

Nelayan itu yang dia ada sebab untuk percaya boleh memberikan maklumat material tentang apa-apa transaksi Persatuan Nelayan itu atau tentang pengurusan hal-ehwalnya;

- (b) menghendaki supaya dikemukakan, di tempat dan dalam tempoh yang dinyatakan olehnya, apa-apa buku atau dokumen yang berhubungan dengan hal-ehwal Persatuan Nelayan itu atau apa-apa wang tunai atau sekuriti kepunyaan Persatuan Nelayan itu oleh pegawai atau bekas pegawai atau ejen atau pengkhidmat atau ahli yang memiliki buku, dokumen, wang tunai atau sekuriti itu.

(2) Jika dalam masa penggulangan sesuatu Persatuan Nelayan atau akibat daripada suatu pengauditan di bawah seksyen 25 atau akibat daripada suatu siasatan atau pemeriksaan di bawah seksyen 19 adalah didapati bahawa mana-mana orang yang telah mengambil bahagian dalam penubuhan atau pengurusan Persatuan Nelayan itu atau mana-mana pegawai atau bekas pegawai atau ejen atau pengkhidmat atau ahli Persatuan Nelayan itu telah menyalahgunakan atau menyimpan atau menjadi berliabiliti atau bertanggungjawab atas apa-apa wang atau harta Persatuan Nelayan itu atau telah bersalah kerana misfeasans atau pecah amanah berhubungan dengan Persatuan Nelayan itu, maka Pendaftar, atas kehendaknya sendiri atau atas permohonan seseorang penyelesai, pemiutang atau pencarum, boleh memeriksa kelakuan orang itu dan boleh membuat perintah menghendaknya membayar balik atau memulangkan wang atau harta atau mana-mana bahagiannya bersama dengan bunga mengikut kadar yang difikirkan patut oleh

Pendaftar atau menghendakinya membayar sejumlah wang yang difikirkan patut oleh Pendaftar kepada aset Persatuan Nelayan itu sebagai pampasan terhadap penyalahgunaan, penyimpanan ketidakjujuran atau pecah amanah itu; dan perintah sedemikian hendaklah dikuatkuasakan mengikut cara yang sama seolah-olah perintah itu adalah suatu penghakiman Mahkamah.”.

Pindaan
seksyen 26.

17. Subseksyen (2) seksyen 26 Akta ibu adalah dipinda—

- (a) dalam perenggan (a), dengan memotong perkataan-perkataan “Kawasan, Negeri dan Kebangsaan”;
- (b) dalam perenggan (c), dengan menggantikan perkataan-perkataan “Persatuan Nelayan Kawasan, Negeri atau Kebangsaan” dengan perkataan-perkataan “sesuatu Persatuan Nelayan”.

Pindaan
seksyen 27.

18. Subseksyen (2) seksyen 27 Akta ibu adalah dipinda—

- (a) dalam perenggan (a), dengan menggantikan perkataan-perkataan “Persatuan Nelayan Kawasan, Negeri atau Kebangsaan” dengan perkataan-perkataan “Persatuan-Persatuan Nelayan”;
- (b) dalam perenggan (b), dengan menggantikan perkataan-perkataan “Persatuan Nelayan Kawasan, Negeri atau Kebangsaan” dengan perkataan-perkataan “Persatuan-Persatuan Nelayan”;
- (c) dalam perenggan (c), dengan menggantikan perkataan-perkataan “Persatuan Nelayan Kawasan, Negeri dan atau Kebangsaan” dengan perkataan-perkataan “Persatuan-Persatuan Nelayan”.

19. Seksyen 28 Akta ibu adalah dipinda dengan memotong perkataan-perkataan "Kawasan, Negeri atau Kebangsaan" di mana-mana jua ia terdapat. Pindaan seksyen 28.

20. Seksyen 29 Akta ibu adalah dipinda dengan memotong perkataan-perkataan "Kawasan, Negeri atau Kebangsaan". Pindaan seksyen 29.

21. Akta ibu adalah dipinda dengan memasukkan seksyen yang berikut selepas seksyen 32: Seksyen baru 32A.

32A. (1) Sesuatu salinan apa-apa catatan dalam mana-mana buku yang lazim disimpan dalam perjalanan urusan sesuatu Persatuan Nelayan hendaklah, jika diperakui mengikut cara yang ditetapkan oleh peraturan-peraturan, diterima dalam mana-mana prosiding undang-undang, sivil atau jenayah, sebagai keterangan *prima facie* tentang adanya catatan sedemikian dan hendaklah diterima sebagai keterangan bagi perkara-perkara, transaksi-transaksi dan akaun-akaun yang tercatat di dalamnya jika, dan setakat yang sama seperti, catatan asal itu sendiri boleh diterima.

(2) Tiada pegawai mana-mana Persatuan Nelayan boleh, dalam apa-apa prosiding undang-undang yang Persatuan Nelayan itu tidak menjadi satu pihak kepadanya, boleh dipaksa mengemukakan mana-mana buku persatuan itu yang kandungannya boleh dibuktikan di bawah seksyen-kecil (1) atau dipaksa hadir sebagai saksi bagi membuktikan apa-apa perkara, transaksi atau akaun yang dicatatkan di dalamnya, melainkan jika diarahkan berbuat demikian oleh Mahkamah atas sebab-sebab yang tertentu."

Pindaan
seksyen 36.

22. Seksyen 36 Akta ini adalah dipinda dengan menggantikan perkataan-perkataan "Timbalan Pengerusi" dalam perenggan (b) dengan perkataan-perkataan "Ketua Pengarah".